

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 07/10), člana 32. stav (2) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), a u skladu sa Programom utroška sredstava planiranih Budžetom Zeničko-dobojskog kantona za 2021. godinu u Ministarstvu za rad, socijalnu politiku i izbjeglice, broj: 02-23-10009/21 od 13.07.2021. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 122. sjednici, održanoj dana 23.09.2021. godine, d o n o s i

ODLUKU

o odobravanju sredstava za udruženja, vjerske organizacijama i organizatore rada javnih kuhinja na drugim nivoima, koji organizuju rad javnih kuhinja i pružaju usluge javne kuhinje za građane na području Zeničko-dobojskog kantona

Član 1.

(Predmet)

Odobravaju se sredstva u iznosu od 165.000,00 KM (slovima: stotinušezdesetpethiljada konvertibilnih maraka) kao pomoć udruženjima, vjerskim organizacijama i organizatorima rada javnih kuhinja na drugim nivoima, koji organizuju rad javnih kuhinja i pružaju usluge javne kuhinje za građane na području Zeničko-dobojskog kantona (u daljem tekstu: Javne kuhinje), a koje su aplicirale na Javni poziv za finansiranje i sufinansiranje rada javnih kuhinja na području Zeničko-dobojskog kantona za 2021. godinu.

Član 2.

(Raspored sredstava)

Sredstva iz člana 1. ove odluke odobravaju se u skladu sa Pravilnikom o ocjeni ispunjenosti uslova i kriterija za odobravanje novčanih sredstava za rad javnih kuhinja na području Zeničko-dobojskog kantona za 2021. godinu, broj: 09-11-10378-1/21 od 27.07.2021. godine, i raspoređuju Javnim kuhinjama, kako slijedi:

r/b	Naziv	Sredstva:
1.	HO „Merhamet“ MDD RO Zenica	70.000,00
2.	HO „Merhamet“ MDD RO Maglaj	45.000,00
3.	HKO "Kruh sv. Ante" Franjevačke Provincije Bosne Srebrene, Sarajevo	25.000,00
4.	"Centar za društvena istraživanja" u BiH, iz Doboju Juga	25.000,00
Ukupno:		165.000,00

Član 3.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, subanalitika KAD 207, naziv pozicije „Ostali socijalni transferi – Javne humanitarne kuhinje“.

Član 4.
(Izvještavanje)

Obavezuju se korisnici sredstava iz člana 2. ove odluke da Ministarstvu za rad, socijalnu politiku i izbjeglice dostave narativni i finansijski izvještaj o namjenskom utrošku sredstava, najkasnije do 15.01.2022. godine.

Član 5.
(Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice, Ministarstvo finansija, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-12824/21

Datum, 23.09.2021. godine

Zenica

1x Ministarstvo za rad, socijalnu politiku i izbjeglice,

1x Ministarstvo finansija,

1x Javne kuhinje, putem Ministarstva,

1x „Službene novine Zeničko-dobojskog kantona“,

1x a/a.